

Tito

Yaizéze ac.

¹ Anutuac welen qeqe ic zéma Yesu Kristoac Méliméli ic ni Paulo imi Anutuac buña qeqe ichéra ienen ninzén ninzéniginaguc wamma, kekec so-laŋawac ac héla imi niŋtegicma,

² kekec hémbénaŋa imuac mambécma kecmu niŋac naŋgé énécmimiawac ai buña zénéhec. Waŋu kekec hémbénaŋa imi Anutu ikocya qahac, inéŋ becaru nalé ménda hénima heyeciguc ac zikima nénézéyec imi mia.

³ Angén titi miŋina Anutu eŋeyaoc ackuazécya imi naléyaiguc zézé ic onac kuagina mema zéhicŋiyec. Waŋu ai imi memaŋ niŋac niŋkumu némma zéselinéhec.

⁴ Waŋu Anutu maŋgoc zéma angén titi miŋina Kristo Yesu iorarunec ewa hia zéma luaenéŋ ic séc momacnec késa keczu ninzén ninzén héla imuac qeriaiguc naŋ téŋgéŋna keczan Tito guac muru hema kecmac.

⁵ Krete baeciguc gopori imi hénia yomuhuc niŋac; Ai waiwa ménda misi misiyawac hezac imi mindiŋidacma ama areŋa kunen kunen séc imuac qeriaiwac galen kumu énécmima kembésémaŋ niŋac imuhuc waŋgéŋi.

⁶ Képésic solaŋ kecma embac momacguc sac mema keru nambérac héra ienen ninzén ninzéniguc naŋseligic, météqététaŋ merac me ac qeqe meracgaguc ménda zémigic kecanzac

ic imuhucya imi qeriawac galeñac kumu miwésémañ.

⁷ Héngaleñ ic imi Anutuac ama galeña kecma késpedes solarñ kecma eñeya ewa siñ ménda méndacma qeri bélañaguc qahac kecma doku seli niñac ménda wamma yaré ménda qema iwawai késamañ zé ikoc ménda wammacac hezac.

⁸ Wañu ic kianñ goi héihéi wañ énécmima, haka hiabiawac siña nimma, memaamuma, kekec téréya kecma, séwíac siñ sigima kecmacac hezac.

⁹ Wañu ackuazéc ménzéc ménzéya qahac iminén ku énécmianzac imuac séciguc nañselima kecmac. Imuhuc wañu inén ic embac hiabianec ku énécmima zénañgé énécmimacac séc wammac. Imuhuc kecmaciguc héna imi qetalima zéanzu ionac imi efima ac zéénécmimacac séc wammac.

¹⁰ Ic sasalanén ac qeque wamma ac haréña zéma ikoc wañ énécmima kecanzu. Sucginaiguc séwi taségina hericma kekera Yuda ic imi eneñ tosara onogicma imuhuc wañanzu.

¹¹ Ic imuhucya ionac kuagina imi mizicgéna acgina qaimac. Ieneñ imi ikoc wañ énécmima iwawai onagichinñ zé héna ménda ku énécmimuac hezac imuac ku énécmianzu.

¹² Krete ic ionac muru eñañ kua meme ic ménén yomuhuc zéyec; Krete icnéñ nalé séc ikoc wamma hasén yañ biria tanec kecma mézétiti wamma tomençina wac wamma kecanzu.

¹³ Héipuc ac imi nimba hélacnec wanzac. Imuac niñ gi selianec zémindiñi wañ énécmima ninzén ninzénçina mesolañanimu.

¹⁴ Imuhuc wamma Yuda ic ionac nemu suruc

ikora me ac hélawac andé qeanzu ionac zézé seli imuac gezacgina ménda haïmu.

¹⁵ Hélaçnec, kápésic solañ ic ionaru imi iwawai moczon kápésic solañ wañanzac, néñ haka oñgĩa wamma ménda ninzéhéanzu ionaru imi iwawai méñnéñ méñ kápésic solañ ménda wañanzac. Ic imi eneñ ewagina zéma ewa kétéñ kétéñgina mo-macnec zapi qeqeya wañanzac.

¹⁶ Ieneñ imi kuaginanéñ Anutu nimmizua zéma wawañ memeginanéñ qaecgéanzu. Ic imi eneñ ewa lolon acwac wamma ac qeqe wañanzu, néñ haka hiabia méñ memuac séc qahac.

2

¹ Wañu geñ mia pakeñ ac hélawac séçiguc zéwésémañ.

² Wañu ic yanda énézéna gum bénzénzéh wamma eebipiginaguc wamma séwïac siñ sigima ninzéh ninzéh zéma ala siñ zéma nanañ seliaiguc solañanimu.

³ Wañu embac yanda énézéna ieneñ imuhucyanec wawañ memegina météré amuma kua kisañiguc andé lukuc ménda wamma doku seli ewa ewanec ménda wamma, kekec hiabïawac kiwi embac wammu.

⁴ Imuhuc wamma eñaçoc embac sac qeli ku énéçmigic eu merac héçgina goi héihéi wañ énéçmima

⁵ gum bénzénzéh wamma kápésic solañ kecma ama aigina hiabianec galeñgéma euhéçgina niñtoho wañ énéçmimu. Imuhuc ménda wañgic, Anutuac ackuazéç imuac mematiti hicñiwac niñac.

⁶ Ic merac imuhucyanec meseli énécmína niŋgési amuma kecmu.

⁷ Waŋu gi geŋgaoc haka imuac me imuac wammaŋ zé hiabianec wanna, kicginaiguc séséc hiabia wammac. Waŋu pakeŋ késpedesira qahac eeyaguc zéma

⁸ ac solaña zéqetali wammucac séc qahac imuhucya énézéna, hazéc ieneŋ ikocac zéwiŋ zé hocma gamugina nimmu.

⁹ Welenŋ qeŋe ic énézéna miŋgina ionac ac niŋtoho wandacgic ewa hia nimmu, néŋ qeŋetali ac ménda zéma

¹⁰ seŋ kowu ménda nemu, néŋ welenŋ qeŋeac haka hiabia moczoŋnec énézégic hémmu. Imuhuc waŋgic, wawaŋ memeginanéŋ aŋgég titi miŋgina Anutuac pakeŋ ac imi mezeric qezeric wammiyu eeyaguc wammac.

¹¹ Anutuac aŋgég titiac ewa hianéŋ ic embac momac yanda neŋaŋaru nénézéyu wininima

¹² pakeŋ ac waŋ nénécmiyu iwawai eeyaguc qahac zéma baecac siŋniŋ imi moczoŋ waidacma hakanina mezeric amuma kekec solaña zéma haka eeyaguc wamma nalé yomuaru kecwiŋac hezac.

¹³ Imuhuc kecmanec niŋ mambéc mozocyaguc zéma Anutu yanda aŋgég titi icnina Kristo Yesuwac asac mararaŋnéŋ hicŋitegiru hémbiŋ zé imuac nimbupuc wamma kecbiŋ.

¹⁴ Inéŋ héná biria igucnec metecgé nénécmima météré nénécmima eŋeya hénáoriŋ buŋawac nénépésiyu haka hiabiawac seliseli wamma kecbiŋ niŋac doenina meyec

¹⁵ Gi ac imuac énézéma meseli énécmima kuc

buñanéh zémindiñi énécmína ic imi eneñ guac niñgic ic enomia ménda wammac.

3

¹ Gi héiqelima énézéna niñqelima baec galeñ me ai memaac qac buñaginaguc imi niñtoho wammu. Wañu ai hiabia hénia hénia hezac imi wambiñ zé zéréh qéréh wandacmu.

² Wañu ic méñnéñ méñ zébiri qébiri zéma zéeh zéma ménda wammu, néñ gum bénzénzéh wamma ic embac momac yanda ionac qeri bénzéh moczoñnec wañ énécmidacmu.

³ Neñañ becnec imuhucyanec niniñnina qahac kecma niñtoho ménda wamma rouc wamma séwíac siñniñ ségiségi hénia hénia imuac welen qema kerih. Wañu qeri biric wamma nimbupuc wañamuma mézétiti wañamuma kerih.

⁴ Wañu añgéh titi miñina Anutuac goi héihéiya zéma ala siñ neñañ niñac iwaru hemiyec iminéh hiññitegirec nalé imuaru,

⁵ añgéh tinénécmiyec imi neñañ mema wañih haka hiabia imuac niñ qahac, néñ eneya goi héihéiya niñac sac wamma kekec qeliawac dokunéh zuacnéncmima Uña téréyawac hiññihicñi qelianéh añgéh tinénécmiyec.

⁶ Wañu añgéh titi miñina Yesu Kristoac murunec Uña Téréya kuaya qeqeya pocgé nénécmiyec.

⁷ Imi mia neñañ iwac ewa hiayawac niñac wamma ic solaña zénéncmiyu kekec hémbénaña imuac nimbupuiguc kecma mératéc meme ic wambiñ niñac imuhuc wañ nénécmiyec.

⁸ Ac zéma mazua imi ménzézé ménzézéya qahac. Imuac gi selianec ninzénngéma énézéna Anutu ninzénngéanzu ienenə haka hiabiawac wanhumuma memu. Ai buŋa imi hiabia, wanu ic embac nanŋé énécmimia wanzac.

⁹ Nén qesiqesi ac oyoŋa zéma hicŋisai hénia imuac suruc zéma zéqegetali ac zéma hénac acac zéeminin qeminin imi qizizinqéwésémaŋ. Ac imuhucya imi héla qahac haréŋanec.

¹⁰ Hénac ikorawac wamma héndén amuma kenzac imi ac goro momacguc me éréhéc ézémaguc waina eneyanec kecma.

¹¹ Gi nintegiczan ésecnec ic imuhucya imi ic heran heranŋia, hakaya birianén kawéya qeamura ic biria wanec.

¹² Ni Aritema me Tikiko méliwa guaru hama haréyu nalé imuaru focdac Nikopoli ama arenaiŋuc hama mihicŋi némbésémaŋ. Ni ama imuaru kecba sanŋenə naléya imi tecgémac.

¹³ Hénac acac ic Zena zéma Apolo imi walac fodac méli érecmina hamaoc. Nene zéma hinac iwawai mézézénngé érecmina iwawai mén ninac ménda hocmaoc.

¹⁴ Ic embac hécnina acguc énézéna haka hiabiawac ninarenngéma kuamumu. Imi mia kecma haréŋanec ménda wammu ninac. Imuac mia iwawai imuac me imuac wamma hocbiŋac ninzu séc walac mihicŋigic ai buŋayawac hemac.

¹⁵ Ic niguc keczu ienenə moczoŋ guac yaizézéga zézu. Gi acguc ninzén ninzéniguc ala sin wanéncmianzu ionac nonac nin wamma yaizézé ac énézéna. Anutuac ewa hiayanén ic tun onac muru hemac.

SISIPAC AC QJELIA
The New Testament and Psalms in the Kube Language
of Papua New Guinea
Buk Song na Nupela Testamen long tokples Kube long
Niugini

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

PDF generated using Haiola and XeLaTeX on 18 Apr 2025 from source files dated 31 Aug 2023

0403b50f-078d-52e2-a203-056e8a430665